

Wesen des Volcks verfochten gedempfft/ zum ersten die vierdte Monar-
chiam, vnd das Römische Keyserthumb eingeführet vnd auffgerichtet.

Anno nach Christi Geburt 571. als die Obersten Planeten Satur-
nus vnd Jupiter im 5. grad Scorpions beyssammen gewesen/ ist den 21.
Sept. selbigen Jahrs des Teuffels Prophet Machomet geboren/ vnd
als ober 59. Jahr hernacher Anno 630. eine grosse zusammenkunfft der
Obern Planeten im Scorpion geschehen / hat sich das Machometische
Reich angefangen/ welches ein grosse erschrockliche Verenderung/ ver-
heer- vnd verderbung allerley Regiment vnd Reich auff Erden hat an-
gerichtet/ welches Machometische vnd Türckische Reich sythero an ih-
rer Macht Gewalt vnd Herrschafft/ allwegen gestiegen vnd in auffneh-
men gewesen/ so eñt Saturnus vnd Mars in Scorpion sich versam-
let haben. Auch fielen die Hunnen in obgedachtem 571. Jahre wieder in
ober Teutschland/ da sie biß in Francken vnd Thüringen gestreiffte vnd
grossen Schaden gethan. Der alte Keyserliche Hauptman vnd Kriegs-
Held Narses / nachdem er aus Nend vnschuldig von Rom vertrieben /
hat das gar alte Schwäbische Volck die Longobarder aus Ungern in
Italien gebracht/ selbige Reich erobert/ vnd ist vnlängst hernach gestor-
ben/ ja/ es ist zur selbigen zeit ein solcher grausamer Krieg/ sengen/ breñen
vnd sekräckliche Tyrannen mit hefftiger Thewrung vnd Pestilens er-
folget/ Das S. Gregorius Bischoff zu Rom vermeynte / es were der
jüngste Tag verhanden.

XV.

David Stecheri Phil. vnd Medicinæ Studiosi
Meynung vom Kriegswesen / 1630.

Wiewol ich hin vnd wider in meinem Prognostico die Histo-
riam Martis fleissig beschrieben vnd erzehlet habe / vnd also die-
se vnannehmliche Materi wol geschweigen köndte/ dennoch aber
darmit ich nichts vnterlasse / womit ich weiß/ dem gemeinem Mann ge-
dient zu seyn / wil ich solchen Lauff Martis allhier kürzlich wiederholen.
Ins gemein zwar davon zu reden/ verhoffe ich/ das der Anfang vñ Mit-
tel dieses Jahrs/ werde meistentheils friedsam vnd still seyn/ aber der aus-
gang des Herbsts werd ein neues Feuer auffblasen/ vnd die abgenom-

E iii

me